


古今法書日苑

三十三
三十四

49
18







古今法書苑卷之三十三
吳郡王世貞元美甫編
十一之墨蹟二

漢

張芝御府所藏三

草書

冠軍帖

章草

消息帖

久問帖

蜀



諸葛亮御府所藏草書一

遠涉帖

魏

鍾繇御府所藏正書一

賀克捷表 書譜去詳證

右鍾繇法帖者曹公破關羽賀捷表也其後書云建安二十四年閏月九日南蕃東武亭侯鍾繇上集賢校理孫思恭精於曆學余問孫君建文二十四年閏在何月思恭謂余以漢家所用四分乾象曆推之是歲己亥二曆閏十月按陳壽魏志是歲冬

十月軍還洛陽其下遂書孫權請討關羽吳志書閏月權討羽十二月獲羽及誅其子平魏志書明年正月權傳羽首至洛陽然則鍾繇安得於閏十月先賀捷也由是此表疑為非真而今世盛行復有兩本字大小不同小字差類繇書然不知其果是否

冒右魏繇書其辭云戎路兼行履險冒寒因述曹仁徐晃破關羽事其後題云建安二十四年閏月九日南蕃東武亭侯臣繇上按建安二十四年冬曹公軍于摩陂而仁等破羽後未嘗出征履險冒寒之

手筆

後又古人箋啓不書年此二事可疑又云羽已被
手刃據三國志羽圍曹仁於樊為仁所敗而走後
為孫權兵斬於沮與此帖不同錄集古

踈

昔人辨鍾元常書謂字細畫短而逸少學此書最勝
處得於勢巧形密然則察真偽者當求之於此賀
表畫數體枝鋒露筋絕不復結字此決非元常之
為永叔嘗謂建安二十四年九月關羽未死不應
先作此表然以書畫察之當無遺識廣川書頭

跋鍾繇賀捷表後

歐陽文忠集古錄謂世傳繇賀捷表稱建安二十四

年閏月以問孫思恭思恭以為閏十月良是但云
據吳志權閏十月才征羽至十二月獲之正月乃
傳羽首至洛陽則鍾繇安得於閏十月先賀捷也
又再題云建安二十四年冬公軍于靡陂而曹仁
等破羽後未嘗出征履險冒寒之後又古人箋啓
不書年此二事可疑今按魏志是年十月操自漢
中還孫權上書以討羽自效王自洛陽南征羽未
至徐晃攻羽破之羽走王軍靡陂至正月始還洛
陽孫權取首至吳志稱閏月權征羽十二月獲之
案志稱十月自洛陽南征羽至來年正月始還則

正當寒際故云履險冒寒也操未至而徐晃已攻羽破之羽走則此表所謂征南將軍與徐晃并力而羽已被矢刃者正是也征南將賀十二月權之殺羽也則此表與魏志所書正合非偽也蓋此表特賀閏月徐晃之破羽非謂賀十二月權之殺羽也因此致疑又按古人箋啓多不用年至表奏則與箋啓異其稱年無疑又魏志是年九月相國鍾繇免故此表於閏十月但稱東武亭侯耳皆與史合其曰南蕃者蕃音皮謂南皮郡也東武南皮之屬故并著之今人讀為蕃鎮之蕃誤矣此表世傳

宋才八主徽宗年紀政和七
宋黃伯思字長睿別字霄
賓字靈林子官秘書郎

本有二字雖大小殊而其體小異不同蓋後人臨摹之變耳政和七年五月十三日黃某書東觀餘論

同前此篇與前小異故兩存之

今攷魏志是年十月曹操自漢中還洛陽孫權上書乞討羽自效閏月王乃南征未至徐晃攻羽破走之王軍靡散至正月始還而權傳羽首至洛吳志稱閏月權征羽十二月獲之案操以閏十月南征以正月還洛彼復正當寒際此繇表所謂履險冒寒正是也操未至而閏月中徐晃已破羽走之此繇表所謂征南將軍與徐晃并力而羽已被矢刃

往

者正是也。征南將軍即權耳。其曰矢刃者，謂羽為是破，雖未即殺之，而羽已被創矣。至十二月，權始追獲之。蓋徐晃之破羽，在閏十月，孫權之殺羽，在十二月。今錄以閏十月上操表，乃賀是月之破羽，非賀十二月之殺羽也。則此表與史書正合，非偽也。明甚。又按古人牋啓，多不用年，至表奏則用年者有之。若劉琨上晉元帝表，稱建興元年是也。文忠謂古人表不書年者，其未之考乎。又魏志是年九月，相國鍾繇免，故閏十月表，但稱東武亭侯耳。皆與史合。其曰南蕃者，蕃音皮，謂南蕃郡也。東武

南蕃之屬，故并著之。或讀為蕃鎮之蕃，誤矣。東觀餘論

○司徒東武亭侯鍾繇薦李直表

黃初二年

臣繇言，臣自遭遇先帝，忝列腹心。爰自建安之初，王師破賊，關東時年荒穀貴，郡縣殘毀，三軍餽饌，朝不及夕。先帝神略奇計，委任得人，深山窮谷，民獻米豆，道路不絕。遂使強敵喪膽，我衆作氣。旬月之間，廓清蟻聚。當時實用故山陽太守關內侯李直之策，剋期成事，不差毫髮。先帝賞以封爵，投以劇郡。今直罷任，旅食許下，素為廉吏，衣食不足。臣愚欲望聖德，錄其舊勳，於其老困，復俾一州，俾圖報

効直力氣尚壯必能夙夜保養人民臣受國家異恩不敢雷同見事不言于犯宸嚴臣錄皇恐皇恐頓首頓首謹言

絕一作純當從

女

○右漢鍾繇薦季直表真蹟高古絕朴超妙入神無晉唐插花美女之態上有河東薛紹彭印章真無上太古法書為天下第一余於至元甲午以厚資購得於方外友存此山後因飄泊散失經二十六年不知所在忽于至正九年六月一日復得之恍然如隔世事以得失歲月考之歷五十六載嗟人生之幾何遇合有如此者後之

元才五世宗年紀至元世又才十四
主順宗年紀至元六

元才十四主順宗年紀至正廿七
在一作存

陸行直

子孫宜保藏之吳郡陸行直題于壺中時年七十有五

出名人書跋

○右成侯在魏銘功五熟釜為魏宗室豈獨勲業為不可及其楷法傳于世者亦不可企及若我輅表是也此弓薦焦季直表其法度與戎輅無少異漢季楷法全是隸其古雅可見于後二王為翰墨宗匠顧豈能外是哉分湖陸隱君酷嗜古今浙右法書名畫多出於其家此弓尤隱君所寶者更五六十年而復歸于隱君信神物去來真有神護云遂昌鄭元祐識

浙右法書名畫

鄭元祐字明德元人

月上

○右袁昂論書云鍾書有十二意外巧妙實亦多
 奇。又李嗣真謂鍾元常正隸如郊廟既陳俎豆
 斯在。又比寒澗開豁秋山嵯峨。虞世南云鍾錄
 馳騫曹喜蔡邕倣學而致一體真楷獨得精研
 夫能書之士其評品鍾書如此其重也。然唐文
 皇論鍾書體則古而不今字則長而逾制。黃長
 睿謂逸少所臨鍾書尚書宣示及破關羽等帖
 字皆匾闊殊無長體。豈文皇誤以廣為修乎。長
 睿又云漢隸運筆結體圓勁淡雅字皆匾而弗
 橢。今傳世者若鍾書力命表諸帖古隸典刑具

存。夫真賞之士其推察鍾書如此其至也。此卷
 鍾元常薦焦季直表真蹟世不多有仔細觀之
 果符諸賢之論而其點畫之間多有異趣可謂
 幽深無際古雅有餘。蓋其楷書去古未遠純是
 隸體非若後人妍媚纖巧之態也。或疑此帖唐
 人所書其間民字缺而不全夫民字之不全特
 唐人諱避而刻撥之非不全書也。痕迹猶存端
 可察識。觀者亦觀其筆勢字體與夫英氣雅韻
 不可捨本而求末遺精而究麤也。要當鑒以心
 目。至正十八年戊戌五月望日袁泰題。

王康字世將

○右東觀餘論云自秦易篆為佐隸故漢世隸體尚有篆籀意象厥後魏鍾元常士李晉王世將逸少子敬作小楷法皆出於漢隸字率區正今存於世若元常尚書宣示等帖世將上晉元帝二表逸少曹娥帖子敬洛神賦雖經摹拓而古隸典刑具在至江左六朝謝宣城蕭挹輩雖不以書名世其小楷若齊海陵王志開善寺碑猶有鍾王遺範至陳隋間正書結字漸方唐初猶然獨歐陽率更虞永興易方為長以就姿媚後人競效之遂不及二人遠甚鍾王楷法彌遠矣

謝宣城

蕭挹

沈周字啓南曰石田明人

明才十五孝宗敬皇帝年記
弘治十八
李應禎名姓以字行明人

余觀此帖誠元常之所合作若黃長睿之推而得其詳論而極其至且究其字體之變更似以為此書發也不可不重識焉至正二十五年五月二十日泰再題

○右鍾繇薦焦季直表真蹟黃初到今千二百餘年矣而紙墨完好不渝信希世之寶也應禎往年在天府得見二王真蹟今復於相城沈啓南所觀此區區餘年何多幸也時同觀者吳江史鑑曹字汝泰崔徵封門朱存理弘治四年人日長洲李應禎記 同上

吳寬字原博稱匏菴先生明人

○右史載鍾太傅事魏殊有偉績此薦焦季直表又見其為國不蔽賢之美其書平生所見特石刻耳若真蹟之存于世者則僅止此啓南所藏法書甚多吾固知其不能出此上也吳寬同上右弘治初容從越來持鍾元常書薦焦季直表示予察驗真偽將集諸博文家予未敢決亦以歲月綿濶已甚不能不傳疑也後乃歸之沈先生啓南家先生長子雲鴻為予中表姊夫更諏于予予應之猶是也他日外舅太僕李公閱而賞歎不置特為鑒定題曰此千二百年之真蹟

沈雲鴻

祝允明

吳文貴宣和書譜

張士行法書纂要

希世之寶也然後衆論乃定公又曩於秘府見二王書則人間未聞影響二十年前有以十八字為右軍書嘉興人以重價購去然固亦未能決者也祝允明跋同上

○右鍾元常薦山陽太守關內侯季直表宣和書譜及米史黃論與他名家品目皆不見紀載惟且近時張士行法書纂要常一及之且與戎輅力命尚書宣示諸帖並稱但戎輅諸帖咸有石刻傳世而此帖亦無刻本殆不可曉而陸行直鄭明德袁仲長一作宣在元世皆博學名能書家其題語

珍重如此，必有所據。先友李公應禎，又嘗親為
積余言其妙，謂雖積筆成冢，不能得其一波拂也。
公書法妙一世，其言如此。余又安能置喙其間。
驗哉。但諸公題語皆稱焦李直，余驗焦字乃侯字
之誤。蓋侯字上有閔內字，實閔內侯也。其後但
稱直而不言李，蓋李姓直名，閔內侯其爵也。若
以為焦姓，則上關內字似無所屬，以為地名不
應薦人，而直舉其郡望。且當時亦無所謂關內
郡者。故余定為侯字無疑。而華氏入石直標為
薦李直表云。嘉靖十年歲在辛卯十月朔，衡山

文徵明書于停雲館中 同上

○右魏太傅鍾成侯元常書，世不多見。見者唯淳
化閣數帖及戎輅力命二表而已。宣示乃右軍
臨筆，長風白騎，識者有疑。戎輅力命紛紛若訟，
獨此薦李直表最後出。由分湖陸歸蕩口華復
為之刻石以傳。自華氏之刻行，而天下之學鍾
書者不復知有淳化閣帖矣。此表小法楷法十
各得五，覺點畫之間真有異趣。所謂幽深無際，
古雅有餘。昔人故不欺我也。華氏藏為大戎脅
取，黃練佐朱提，權相復見法籍入天府，尋用代。

李懷珙唐人洛陽人國初時好為
偽迹增做蔡叔夜絕交書後
帖中右其蹟
宋儋唐人字藏諸廣平人官
校書郎善楷隸行草

祿轉洛緹帥家緹帥沒余乃偶得之買人手亦
云幸矣好事者意此神品無上法書不應歷唐
宋間窠窠乃爾又歷千五百年而完好若未觸
手甚或以纖媚疑之第此正純綿裹鐵書家三
昧也庸詎知非其時臥江左深山中不得排金
門入紫闥而亦用此故不墮兵燹耶藉令李懷
琳宋儋白首臨池辨此結體否咀賞之餘因敬
題于後萬曆甲戌冬孟王世貞識 同上

右鍾太傅薦李直表向者草草題數語而未盡
春日閒居數展閱之愈見其妙李太僕貞伯眼
底無千古為文待詔言雖積筆成冢不能得其
一波拂也待詔又辨關內焦季直為關內侯季
直今表內侯字甚明蓋裝潢之際少加墨潤故
耳此書即令懷琳輩作贗必當做宣示墓田不
解別創此結法也以淳化帖中蕭子雲列子一
段較之中間尚可容數人何況懷琳輩哉其辭
極典實是東京語於繇他文筆更勝第表尾稱
黃初二年司徒東武亭侯攷陳壽志繇本傳為
魏相國封東武亭侯坐法以侯免文帝即王位
為大理即帝位為廷尉進封崇高鄉侯遷太尉

而不言作司徒若少抵牾然法書錄有袁昂評
鍾司徒書字十二種意意外殊竅實亦多奇勅
旨既具如評復謂繇書意氣密麗若飛鴻戲海
舞鶴游天則繇固嘗為司徒傳遺之耳愚又考
華歆買翊傳歆以魏相國改司徒禪代之際忤
旨不益封辭疾不允至四年而太尉翊卒繇代
之按廷尉於九列為第五不應超拜上台豈歆
毛疾得請而繇自廷尉領司徒後進太尉而歆
復代之耶其崇高鄉二年始定封東武之稱斯
為當矣黃長睿趙明誠往往以碑帖證史傳之

譌余竊願學焉若上米芾印則宋人之蛇足也
芾恒云生平不見漢魏書故寶晉齋斷以晉始
乙亥王世貞書昔知非之歲也

○曹植御府所藏章草一

鵝賦

○鵝雀賦辨

頃傳長安人有得思王真蹟鵝雀賦者及得張芸叟
侍郎所刻本觀之乃近代偽帖也案草法亦如真
行孳乳寔多故後代草字有唐以前所無者如於
字必字之類魏晉六朝人草此字止如行於必此

作至隋唐以來始省為於若如此故前輩云於字必字無草書是也今偽書鷓鴣雀賦二字皆如唐人草法此一妄又賦之首既書賦目復冠以日字此妄殆妄人錄類書中予建此賦書之故妄去去字未詳何本以妄為忘曰字其陋如此今藝文類聚亦有此賦此二妄末有武攸暨題字乃作今市井人所作偽古篆仍云以永其傳此近人語唐世未之有也此三妄又數印章云唐人印乃與今市井所作印篆形模字畫無異及未有靜華二字乃摹法帖子敬字中動靜及華新婦字此四妄其末又有子建畫像神

氣甚俗衣冠筆勢亦若今畫院畫史所為前人畫不如此也此五妄既作偽帖又畫其像而偽草題署甚多汲汲然恐人之不信也其陋至此而不悟以為筆法在二王上使人駭歎是知非書之難知者亦難此與俗傳石本王摩詰所畫四時山水上有摩詰薛邕等印同科蓋亦今淺俗所為見之令人鄙吝生而士大夫或收藏甚者張於墻壁是可歎也東觀餘論

吳

皇象御府所藏章草一

○急就章

唐摹皇象急就草有隸法在故相張齊賢孫直清處

米元章

右章草漢黃門令史游急就章二千二十三字相傳為吳皇象書摹張郡公家本象書惟宮本法帖所載文武將墜等四帖其餘不復多見而章草自唐以來無能工者其法蓋僅存世傳獨吳越錢氏所藏簫子雲出師頌最為近古他如索靖月儀等未必盡真此書規模簡古氣象沈遠猶有蔡邕鍾繇用筆意雖不可定為象書決非近世所能偽為者

全要云司馬相如字長卿官文園令作凡將篇

自李斯作蒼頡其後爰歷博學凡將元尚與急就五家繼作皆為小學所宗故字書畧備今蒼頡而下皆亡獨此書有顏師古注本尚在乃相與參校以正書竝列中間臨榻轉寫多不無失實好事者能因其遺法以意自求于刻畫之外庶几絕學可復續也宣和二年上巳日知穎昌軍府事縉雲葉夢得題

○跋章草急就補亡後

自秦同書文丞相斯作蒼頡篇中車府令高作爰歷篇太史敬作博學篇至文園令相如作凡將篇

宣和宋才八主徽宋年紀
葉夢得

黃門令游作急就篇皆書文之林苑欲識字者不可不知也惜哉凡將以上不可復見特急就存焉者以昔賢多喜書之故也其文雖出小學家而亦西京文氣未衰之際詞致雅馴故顏籀賞其清靡籀注此書嘗得皇象鍾繇衛夫人王會稽等篇本備加詳覈今世所傳惟張芝索靖二家為真皆草書而伯英本祇有鳳爵鴻鵠等數行至靖所書乃有三之二其缺者自毋縛而下纔七百五十字此本是已蓋唐人摹而弗填者神韻筆勢古風宛然予遂手搨一通陶隱居謂之填郭書近世謂之

晉

雙鈎書蓋欲知筆經所自故爾予既手搨後補其遺字於弓終因以備忘云大觀己丑歲十月朔黃其書東觀餘論

武帝御府所藏草書二

我師帖

善消息帖

侍西晉賢十四帖檢校太師李瑋於時中王貽永家購得第一帖張華真楷鍾法次王濬次王戎次陸機次郝鑿次陸琬表晉元帝批荅次謝安次王衍次右軍次謝萬兩帖次王珣次臣詹晉武帝批荅

次謝方回次郝歆次謝尚內謝安帖有開元印縫
兩小璽建中翰林印安及萬帖有王涯永存珍秘
印大卷前有梁秀收閱古書印後有殷浩印殷浩
以丹梁秀以赭是唐永賞鑒之家其間有太平公
主故書印王溥之印自五代相家寶藏侍中國昏
丞相子也

太宗皇帝文德化成靖無他好留意翰墨潤色太平
淳化中嘗借王氏所收書籍入閣帖十卷內郝歆
兩行二十四日帖乃此卷中者仍於謝安帖尾御
書親跋三字以還王氏其帖在李瑋家余同王渙

北宋才二王太宗名吳
初名匡義年紀五太平
興國八雍熙四端拱二淳化五
至道三

之飲于李氏園池閱書畫竟日未出此帖棗木大
軸古青藻花錦作標破爛無竹模晉帖上反安冠
簪樣古玉軸余尋製擲棗軸池中折玉軸王渙之
加糊共表焉一坐大笑要余題跋乃題曰李氏法
書第一亦謂天下法善第一也

又晉謝奕桓溫謝安三帖為一卷上有寶蒙審定印
謝安帖後以濃墨模榻遂全暈過後歸副車王詵
家分為三帖云失謝安帖以墨重暈唐人意寶此
帖而反害之也後人可以為戒李瑋云亦購于王
氏米元章

蘇子瞻題唐太宗藏晉人帖

唐太宗購晉人書自二王以下僅千軸蘭亭以玉匣
葬昭陵世無復見其餘皆在秘府至武后時為張
易之兄弟所竊後遂流落人間在玉涯趙延賞家
涯敗為軍人所劫奪取金玉軸而棄其書余嘗於
李都尉瑋處見晉人數帖皆有小印涯字意其為
王氏物也有謝尚謝鯤王衍等帖皆奇而夷甫獨
超然如羣鶴聳翅欲飛而未起也
晉王暉真草帖晉張翼帖宋阮研帖宋蕭思話表文
帝批荅

王涯

趙延賞

李瑋

右在駙馬都尉李瑋處某並見石本後見李云

在高橋楊氏未獲見米元

章
張華御府所藏二

草書

得書帖

行書

聞時帖

杜預御府所藏草書一

十一月帖

衛恒御府所藏草書一

往來帖

主渾御府所藏草書一

近見帖

王戎御府所藏草書一

忻慰帖

索靖御府所藏章草四

急就章

月儀

出師帖

七月帖

觀文節使葉公題跋索靖章草急就篇

右索靖章草急就章一千四百五十字缺一百五十

紹興南宋十一主高宗年紀
一三十二

九字余聞世有此唐人硬黃臨本舊矣不知藏誰氏求之久不獲紹興甲子偶得故秘書郎黃長睿雙鈎所摹於福唐凡西晉前鍾張衛索書帖存於今者大抵皆無復真蹟流傳謄榻既多僅見其點畫爾長睿好古善隸楷能得古人用筆意其氣韻精彩尚可彷彿其典刑兵興以來剝剝煨燼之餘故家各流所藏殆盡幸有遺者不可無傳于世闕無美石乃使以版刻置之燕堂以示好事者杜子美云嶧山之碑野火焚棗木篆刻肥失真古今所恨云七夕日石林葉夢得書

○跋索靖章草後

索將軍章草下筆妙古今七月二十六日帖月儀急就篇此著名書也春蘭秋菊各不同而花花自有佳趣

○陸機御府所藏二

章草

平復帖

行書

望想帖

○王衍御府所藏行書一

尊夫人帖

○王敦御府所藏草書一

蜡節帖

○王導御府所藏草書二

省示帖

改朔帖

○王廙御府所藏四

草書

仲春帖

章草

鄭夫人帖

行書

賀雪表

嫂何如帖

○王濛御府所藏行書一

餘杭帖

○桓溫御府所藏行書一

東道表

○謝安御府所藏行書三

中郎帖

近問帖

善護帖

○謝奕御府所藏行書一

秋月帖

○謝萬御府所藏行書二

賢妹帖

鯁恨帖

○陸玩御府所藏行書一

賀瑞星表 晉元帝批付

○張翊御府所藏行書一

舅氏帖

○郝鑒御府所藏草書一

蘭陵帖

○郝愔御府所藏二

章草

諒弟帖

草書

遠近帖

王邃御府所藏行書一

婚事帖

王恬御府所藏草書一

得示帖

王洽御府所藏四

草書

叙還帖

行書

仁愛帖

承問帖

兄子帖

王珣御府所藏二

草書

三月帖

行書

伯遠帖

王珣御府所藏二

草書

力書帖

行書

鎮撫帖

○謝尚御府所藏草書一

餘寒帖

○庾翼御府所藏二

草書

步征帖

行書

張齊賢

張直清

汝欽

○盛事帖

晉庾翼禱恭真跡在張丞相齊賢孫直清汝欽家古黃麻紙全幅無端末筆勢細弱字相連續古雅論兵事有數翼字上有竇蒙審定印後連張芝王廙草帖是唐人偽作薰紙上深下淡筆勢俗甚語言無倫遂使至寶襍於瓦礫可歎余屢言於汝欽不肯拆也米元章

○詹思遠御府所藏草書一

清佳帖

○王羲之御府所藏二百四十有三

草書

桓公帖

唐貞觀中
題跋附

朝廷帖

宰相帖

司徒帖

中書帖

侍中帖

尚書帖

司馬帖

太常司州帖

太常帖

護軍帖

司州帖

譙周帖

參軍帖

謝二侯帖

朱處仁帖

二謝帖

荀侯帖

阮生帖

江生帖

遠生帖

道家帖

龍保帖

舅母帖

母子帖

賢妹帖

姊告安和帖

賢室帖

諸賢帖

遠婦帖

兒女帖

留女帖

小女帖

女孫帖

宮舍帖

講堂帖

修園帖

屏風帖

門風帖
脅中帖
月半帖二
二月帖
末春帖
秋來帖
雨晴帖
大熱帖
異熱帖
節日帖

氣力帖
初月帖
洛內一帖附
月末帖
四月帖
去夏帖
季冬帖
熱日帖
熱甚帖
差涼帖
節氣帖

當日帖
數年帖
飛白帖
臨書帖
三都帖
鄉里帖
成旅帖
州中帖
江州帖
丹陽帖二

雪候帖
草書帖
王略帖
數字帖
過京帖
永嘉帖
山川帖
錢塘帖
臨川帖
山陰帖

嘉興帖
遠宦帖
勿殺生帖
旃剡明挑帖
山藥帖
純酒帖
海鹽帖
送梨帖
高枕帖
清宴帖

餘杭帖
附農帖
方物帖
胡桃帖
祀物帖
暴鮓帖
鹽井帖
白石枕帖
石班帖
情慮帖

和書帖
樂問帖
北問帖
得書帖
二書帖
遺書帖
累書帖
無書帖
喜慶帖
安慰帖

書問帖
知問帖
安喜帖
得告帖
旦書帖
有書帖
頊喜帖
慶慰帖
清和等帖
安和帖

清和帖四

平安帖

佳靜帖

奉對帖

大醉帖

甚快帖

萬福帖

方回帖

此輩帖

知遠帖

安西帖

小佳帖

小差帖

奉待帖

奉憶帖

有理帖

造次帖

省別帖二

瞻近帖一

遠近帖

遠念帖

內事帖

舉聚帖

達事帖

多義帖

知命帖

懸量帖

送謝帖

虞休帖

數有帖

通滯帖

先期帖

界內帖

慨然帖

適為諸帖

阿萬帖

行穰帖

所論帖

速還帖

得熙帖

人理帖

舊志帖

甚佳帖

當有帖

晚可帖

君事帖

平定帖

致此帖

兼致帖

念慮帖

集理帖

重熙帖

委曲帖

晚善帖

還白帖

此事帖

大都帖

昨有帖

東北帖

七十帖

卞駙馬帖

十一月等帖

臨鍾繇所懷帖

章草

豹奴帖

正書

樂毅論

黃庭經

東方朔畫贊

定公帖

報國帖

口訣帖

草命帖

行書

伯熊帖
蔡家帖
夫人帖
諸弟帖
曹妹帖
賢女帖
六月帖
十月帖
快雨帖
極寒帖

阮公帖
家中帖
賢弟帖
從弟帖
諸賢子帖
此月帖
九月帖
三月帖
夏日帖
快雪時晴帖

州民帖
安西帖
永興帖
噉豆帖
慈顏帖
奉告帖
悉佳帖
叙慰帖
遣書帖
宿昔帖

舊京帖
山陰帖
建安帖
青李來禽帖
平安帖
小佳帖
自慰帖
廓然帖
省書帖
十三帖

佩文齋語彙諸遂良撰
見墨池編

書魏鍾繇千文

○晉右軍王羲之書目正書
行書

正書都五卷共四帖

第一樂毅論書付官奴

第二黃庭經六十一行與

第三東方朔贊書與

第四周公東征十一行年月日朔小字十四行尚想黃綺

第七墓田丙舍五行

第五羲之死罪前因李叔夷四行瑯邪臨沂三行羲之頃

首一日相省四行行三一之法四行尚書宣示孫權所

十四行下有自誓
文三字

求八行臣言瑯邪新廟四行晉侯侈六行

行書都五十八卷共三百六帖

第一永和九年三十一行纏利害二十行

第二爰有猗人九行庾新婦五行九月二十三日羲之八

日書八行十一月七日羲之報知少麝五行十二月六

日羲之報一昨因暨主簿書六行臣羲之言伏惟皇

太后七行臣羲之言嚴寒不審四行臣羲之言伏惟陛

下五行兩涼佳得書五行問庶子哀推四行

第三缺

第四七月二十五日羲之頃首期晚生不有六行五月

行 二十四日羲之頓首二旬哀悼行羲之報曹妹行五
羲之頓首違遠亡嫂積年行八昨殊不散行三殷中軍
奄忽哭之行三

第五羲之死罪亡兄靈柩行七五月七日羲之頓首頓
首昨便斬草亡嫂尚停此行十期小女四歲暴疾不

救行五秋中諸感切懷行五

第六羲之白不審尊體比復如何行五得示慰吾頻以

服散行三二十三日發至長安行八羲之死罪不審何

定尚扶持行四適遠告承如常行五

天第七羲之頓首舅女歿行四羲之頓首奄承遘難行五羲

之頓首君眼目行五六月十五日羲之頓首大行皇

帝崩行四大行皇帝行五月半增感傷奈何行四

第八謝新婦春日感傷行七羲之死罪無亦永往行七謝

范新婦得富春還疏行十向書至也須君至射堂行四

第九五月二十七日州民王羲之死罪此夏交行十

羲之死罪苟葛各一國佐命之宗行十七君須復以

何散懷行七

第十七月十三日告離得兄弟行五延明官奴小女行七

不圖禍痛乃將至此行二日月如馳嫂棄行五再行五近

遣書想即至行三比書慰也汝不可行六

即 禍 期

第十一義之頃首快雪時晴行六未復知問情快即轉

勝行七去血有損不堪耿行三月行復半痛傷兼推行三

第十二六月十七日告循紀行四柳匏比問行五賊足下行三

猶未佳行四義之頃首卿佳不家中猶爾行八

第十三遍熱既互且盛農行五知齡家祖可悲慰行九山

下 山多日不復意問行十晚復熱想足下行八

第十四都下二十六日書云中郎行五絕不得新婦諸

叔問行十九月十七日義之報且行因孔侍中行八日

既逼近羸劣行六

第十五想大小悉佳行十謝新婦賢從弟行八隔日不知

問二旬哀傷行七

第十六省書知定疑行六痛惜敬和寢息在心行九

羣從彫落將盡行十

第十七報恒何如行七二月二日汝歸母行一

比 雖問和篤疾行十一此粗平安行一

第十八二十二日義之報近得書行五毒熱瘧斷未甚

劣 耿耿行五足下可不吾眼少方行四再昔來熱如小有

覺行十

第十九官奴小女行十月二十五日行四大熟得告

汝中冷褚侯遂至薨行五

雋

第二十過此燥雞肉行四去龍牙復下行七向欲力視汝行五姉告慰馳情行五晚來復何如行三允安厝情事長行五

第二十一中九日羲之頓首明二旬增感行七十月十

五日羲之頓首月半哀傷行八得示知羲之報行五

第二十二安西復問行六忽然夏中行九

第二十三得阿遮書行七二十五日告期行六二十日告

姜行三知慶等行三二十七日告姜氏母子行五得書知

卿行四

第二十四初月一日羲之報忽然改年行四卿各何以

先羸行四此上下不可耳出外行六六日告姜復雨始

晴行五書未去得疏為慰行五

第二十五行復二旬傷悼情深行五羲之死罪難信非

牋行五九月二十五日羲之頓首便涉冬行六夫人遂

善平康也行三羲之頓首節至遠感行五過一旬尋念

傷悼行四五月九日羲之頓首頓首雖未叙行五

第二十六敬祖足下如常慰之行五羲之頓首頓首從

兄雖篤疾行五轉熱想足下耳行七王逸少頓首晚佳

也行七

第二十七八月十七日羲之報行五三十日告姜行九二

一本每二月字

十二日告姜行五三十日義之頓首報行五信還之夜

下行七

第二十八曹丁妹行七未審大周嫂行七劫事當速行五

第二十九一月二十九日告仲宗行五十四日告劉氏

女行六人理之故行四十一月二十六日已推退行二月

行復旬感傷行七有哀慘行七送此鯉魚行二諸婦小兒

輩行三

第三十義之愛報行七伏想嫂安和行九得書知汝問行九

第三十一十一月十三日義之頓首行六三月十五日

義之頓首末春哀痛義之自想上下悉佳行五八月

十五日具疏義之再拜行六

第三十二義之頓首月半感慕抽切行五改月感慕抽

痛當奈何行六昨觀宴可謂意行五向得信知足下瘡

行五

第三十三張博士定何日去行四八月二十六日告仲

宗行五雨無復解足下可耳行五六月義之報至節哀

感行四初月一日告姜忽此年行四

第三十四極有眷意行四九月十八日義之報近問行七

司州塋送行六

第三十五十四日告期明月半行十三十三日義之報

月向半行四承上下不和反側行六過一旬哀痛兼至
行八昨暮遣信值足下以行行七諸哀毒兼至終日切
心行七乃復送慶勞汝行
佩文本缺

第三十六缺

第三十七得示慰之吾迎不快行五九月二十五日義

之報禱出不圖行六陰寒足下各可不行八五月二日

告胡母甥幸行六夏中節除感遠兼傷行四

第三十八四月五日義之報行五七日告期痛念玄度

行十妹轉佳慶不乃啼不行三知靜婢猶未佳懸心行三

治墓下人皆以佳也行六三

第三十九三月十三日義之頃首頃首過二旬哀悼

行六義之頃首頃首想冬盛念一旦感歎並哀窮行七

兼十一月十八日義之頃首頃首冬月感歎無傷行六

第四十十月二十二日義之頃首頃首賢從隕逝行四

想家悉佳行九吾未得便得效行四吏轉輒與寬休行六

第四十一二月州民王義之死罪行六向書至也得示

遠承尊夫人轉平和行七五月十日義之報夏中感遠

行六時見賢子君家平行三前郡內及兄子家比有行五

第四十二四月二日義之頃首初月感懷行七得示慰

之足下克致行六義之白服見仲熊行七知汝故爾欲

食行

第四十三紙一千行五僧遠遂佳也行三脯五夾行七羲之

枉死罪不當有桂行四佩文本銀

第四十四不知遠妹定何當至行八從兄弟一旦哀窮

行四昨遣書今日至也行四

第四十五知足下得吾書行七前比遣信行七想應妹普

平安行七臘遂佳也懸念行八比承至也得二書行四得

二日書具足下問行四足下在蕪湖行九不圖哀禍頓

仍行五

第四十六缺

行第四十七道祖重能刑行二十月二十日羲之頓首節

近歲終行六節除諸感兼哀行四四月二十日羲之頓

首二旬期等小祥行五新歲月傷感行

第四十八羲之頓首一旦公除行四羲之頓首從弟子

行四歲盡諸感行五

第四十九四月九日羲之頓首報臘日行七得二謝書

司州喪行六二月六日羲之報昨書悉行四上下如常

不行五承都開清和行五

第五十二月二十五日羲之頓首一日有書行九事情

無所不至惟有長歎行五雨後無已不審體中各何

佩之本無大字

如九行知賢弟竝毀頓三行

第五十一義之頓首頓首何圖禍痛五行繇白張白騎

遂自猜疑七行暗便寒想轉勝七行六月十九日義之

報仲熊夭折三行仲熊雖篤疾豈圖奄忽四行

第五十二汝母子比佳六行十八日義之頓首四行敬

祖雖久疾謂其年少八行五月二十七日義之報五行

五月十一日義之敬問得旦書三行吾賢之常事耳

第五十三閏月二十五日義之白四行向書想至四行八

月十四日告父大四行許玄度昨宿四行七月六日義

頓首下佩文本有
昨字下五字無

之頓首五行省告猶示三行修年雖篤七行

終第五十四六月十六日義之頓首八行義之死罪告各

十一二十九日義之頓首九行九月二十八日義之

頓首七行義之頓首六行

第五十五前使還有書猥九行義之頓首二孫女四行四

日義之頓首昨感寒五行八月二十五日義之白頓

首五行得書為慰汝轉平復六行

七第五十六周氏上下悉佳六行中王等便以去十月禪

四卿汝母子粗平安八行九月十三日義之頓首追

傷切割六行

第五十七羲之頓首尋念痛惋行八長風一日哀窮行五
得信知問行五敬祖雖久疾行四初月五日羲之頓首
忽然此年行六

第五十八省別具懷行五阿康少壯行四范中書卷至此

行三妹復小進退行五羲之頓首昨暮見疏行十一

晉右軍王羲之正書行書目貞觀年河南公褚遂良
中禁西堂臨寫之際使錄出唐初有史目實此之
標目蓋其類也未見草書目

古今法書苑卷之三十三

古今法書苑卷之三十四

吳郡王世貞元美甫編 雲間王乾昌伯元甫校

十一之墨蹟三

右軍書語

十七帖長一丈二尺即貞觀中內本也一百七行九

求二王書大王草有三千紙率以一丈二尺為卷取其書迹及言語以類相從綴成卷以貞觀兩字為二小印印之褚河南監裴君率多紫檀軸首白檀身紫羅縹織成帶開元皇帝又以開元二字為小印印之踐尾又列當時大臣等名十七帖以卷首有十七日字故號之二王書亦後人有取內語稍異者標為帖名大約多取卷首三兩字及帖首三兩字也

十七日先書郝司馬未去即日得足下書為慰先書

以具示復數字

吾前東粗足作佳觀吾爲逆民之懷久矣足下何以示復及此似夢中語也無緣言回爲嘆書何能悉瞻近無緣省告但有悲歎足下小大悉平安也云卿當來居此喜遲不可言想必果言告有期耳亦度卿當不居京此既僻又節氣佳是以欣卿來也此信旨還具示間

龍保等平安也謝之甚遲見卿甥可耳至爲簡隔也知足下行至吳念違離不可居叔當西耶計與足下別二十六年於今雖時書問而不解闊懷

省足下先後二書但增歎慨頃積雪凝寒五十年中所無想頃如常翼來夏秋間或復得足下問耳此者悠悠如何可言

吾服食久猶爲劣劣大都比之年時爲復可足下保愛爲上臨書但有惆悵也

省足下別疏具彼土山川諸奇楊雄蜀都左太冲三都殊爲不備悉彼故爲多奇益令其遊目意足矣可得果當告卿求迎少人足耳至時示意遲此期真以日爲歲想足下鎮彼土未有動理耳要欲及卿在彼登汶嶺峨眉而旋實不朽之盛事但言此

心以馳於彼矣

諸從並數有問粗平安唯脩載在遠音問不數懸情
司州疾篤不果西公私可恨足下所云皆書事勢
吾無間然諸問想足下別具不復一一

得足下旃罽胡桃藥二種知足下至戎鹽乃要也是
服食所須知足下謂須服食方回近之未許吾此
志知我者希此有成言無緣見卿以當一笑

云譙周有孫高尚不仕今爲所在其人有以副此志
不令人依依足下具示嚴君平司馬相如楊子雲
皆有後不

天鼠膏治耳聾有驗不有驗者乃是要藥

朱處仁今何在往得其書信遂不取答今因足下答
其書可令必達

省別具足下小大問爲慰多分張念足下懸情武昌
諸子亦多遠宦足下兼懷並數問不老婦頃疾篤
救命恒憂慮餘粗平安知足下情至

旦夕都邑動靜清和想足下使還一一在州將桓公
告慰情企足下數使命也謝无奕外得數書問无
他仁祖曰往言尋悲酸如何可言

知有漢時講堂在是漢何帝時立此知畫三皇五帝

以來備有画又精妙甚可觀也彼有能画者不欲因摹取當可得不信具告

徃在都見諸葛顛曾具問蜀中事云成都城池門屋樓觀皆是秦時司馬錯所脩令人遠想然為爾不信一一示為欲廣異聞

青李來禽櫻桃日給滕子皆囊盛為佳亟封多不生足下所疏云此果佳可為致子當種之此種彼胡桃皆生也吾篤喜種果今在田里唯以此為事故遠及足下致此大惠也

一本致此下有子者二字

彼所須此藥草可示當致

虞安吉者昔與其事常念之今為殿中將軍前過云與足下中表不以年老甚欲與足下為下僚意其資可得小郡足下可思致之耶所念故遠及

吾有七兒一女皆同生婚娶已畢惟一小者尚未婚耳過此一婚便得至彼今內外孫有十六人足慰目前足下情至委曲故具示

度先乃可可常謂有理因祠祀絕多感其夜便至此到之生而速之每尋痛憊不能已已省君書增酸恐大分自不可移時至不可以智力救如此可

先生適書因謝常侍信還令知問可令謝長史具消

息

數親問叔穆鄙賓並有問爲慰

知道長不孤得散力疾重而爾進退甚令人憂念遲

信還知聞

姊安和姊故羸疾憂之惟心餘亦諸患

君作示欲見穆生叔讚今欲默語興廢之格粗當爾

不玄度好佳君請何似

從事經過崔阮諸人昨旦與書疾故示毒愁當增其
疾吾如今尚劣劣又晚熱未有定發日有定示足
下興耳近書或欲留吾甚欲與俱而吾疾患遲速

無常其竟云何足下今知問

適太常司州領軍諸人二十五六書皆佳司州以爲
平復此慶之可言爲親親皆佳大奴以還吳也冀
或見之

司州供給寥落去无期也不果者公私之望無理或
復是福得大等書慰心今因書野數言平安定太
宰中郎

適州將十五日告徐一癰方尺許四口方云數日來
小如差然疾源如憂恒尙涂故遣信治涂舍人書
以示徐還示足下也不堪縲又事烈上台周青州

視事今以當至下耶甚是事宜無方身世無在事者疾患如此使人短已上到行底似缺去

六月十九日羲之白使還得八日書知不佳何爾耿耿僕日弊而得此熱忽忽解白耳力遣不具王羲之白白字只一點成

見尚書書一遣信以且必宜有行也情事恐不可委行使邪遲還具問亦以爲尚書諮議懷今復諮吳興

遠近清和士人平安苟候定住下耶伏遣軍取下城此間民事愚智長歎乃亦無所隱如之何又何須

水雨以復爲災卿復何似

江生佳頃大闊以始見之此人土蕭索可歎

汝宜速下不可稽留計日遲望今日亦語劍長史令速

近因得里人書想至知故面腫耿耿今差不吾比日食意如差而懣中故不差以此爲至患至不可勞力數字令弟知聞也耳

姊適復二告安和却郝故病篤無復他治爲消息耳憂之深令移至田舍就道家也事必當吾遣信視叔還母子平安爲慰至恨不得暫見故未得下船

道夷書云已得一宅想今安隱耳不改解此移趣
知卻兒不快何所在今已佳也耿耿信白

與殷侯彼此格卿耿

卒喜慰氣滿無他治噉數合米來三日

知足下哀感不佳耿耿吾下勢復痛小差須用女萎
丸得應其速也

在我而已誠得所多仁與謝與豫州共入河不乃煩

劇得安

缺一字似万字

書送矣書云六日可至諸賢書云

朝廷失之轉飛覺闕然與卿書

此注四不有君子其

能國乎此言深也但云卿當入何以如夢恐卿表

復經年想仁祖差時還內鎮慰人情耳皆在卿懷
矣

產婦兒万留之日盡遣甚懸心

得表二謝書一一爲慰袁生想暫至都已還未此生
至到之懷吾所盡第須遇之人事得其書无已已
二謝云秋末必來計日遲望萬羸不知必惧不知
弟往別停幾日決其共爲樂也尋分別具與江姚
女和別殊當不可言

知庾丹陽差數深深致致心心

得孔彭祖十七日具問爲慰云曩經還尋蠶是及善

之誠之於殷必得速還無復道路之憂比者尚懸
邑得其去月書省之悲慨也

上流近問不竟何日即路知謝定出居內所弘故重
是不能展情存大

明或就卿園棋邑散今雨寒未可以治謝

江表付還

此四字一行

得書知足下問吾翫豁

拘

此字不識

缺痛俛仰欲不得此何理耶願輒與相見天

盡治宜足下得益使之不疑也但月又未陰沉恐

不可針不知何以救目前甚憂悻王羲之

此信尋知足下有書可道知足下未能得果望近爲

然知得家問賢子動疾念憂甚慮懸得後問不分
張何可久幼小故疾患無賴

野大皆當以至不得還問懸心大善悉也野當不能

過卿並轉茂清談

野足下大佳也諸疾苦憂勞非一如何復得都下近
問不得吾敬和二十三日書無他重熙佳定爲善

謝二候

此三字一行

山下多日不復意問一昨晚還未得遣書得告知中
冷不解更壯溫甚耿耿服何藥耶僕皆差勝尋知

問王羲之頓首

羲之頓首向反慘慘自舉哀乏氣匆匆知便面且不
相知來想能更言面力遣不次王羲之頓首此帖帶行
七日告期痛念玄度未能以缺心汝臨哭悲慟何可
言之及惋寒夜缺一字似即字至不以市器多不合用今
催之也吾平平但未惋念玄度體中度便不堪之
耶告

汝尚須過殯還恒有悲惻

王延期省此四字一行

妹轉佳慶不及啼不憶念奴殊不可言涼當迎之又

本自念奴

後語盡

昨即得丹陽水上書與足下書同故不送昨諸書付
還

去冬遣使想久至乖離忽四年言之歎慨豈言所踰
悠悠數千卒當何期汝等將慎為上知復何
念足下窮思兼至不可居處雨氣無已卿復何以耿
耿善將息吾故劣力知問王羲之

吾何當還此四字一行

汝尚小愁思兼至不可居處多疾足下前許歲末今
暫還想必可爾故復白

十一月十三日告期等得所國高餘姚并吳興二十
八日二疏知平安慰合五平平此服寒食酒如似
爲佳力因王會稽書不一一阿耶告之

想大小皆佳丹陽須極佳也自云有書不附此信耳
小大多患懸心想二奴世子佳遲卿問也

吾去日盡欲畱女遇吾去自當送之想可垂許一出
未有還期是以白意夫人涉道康和足下大小皆
佳度十五日必濟江故二日知問書信還知定當
近道迎足下也可今時還遲面以日爲歲

去冬臨改自安道便欲決去而何侯其於不許事聞

以有小寇今未便得果然故有移南暮意尚未可
倉李復信更具信於汝也鑿之

六日昨書信未得去時尋復逼或謂不可以不恭命
遂不獲已處世之道盡矣何所復復言言

丹陽旦送吾體氣極佳兵在鄉故處增思詠
若可得耳要當須吾自南但增感寒

十四日諸問如昨云西有代蜀意復是大事速送枹
來

遂當發語催吾帝王之命是何等事而辱在草澤憂
歎歎之懷當復可言見足下一一耳

昨送諸書今示卿想見之恐殷侯必行義望雖宜爾
然令此集信爲未易卿若便者良不可言

安復後問不想必停君諸舍疾若差也便疾繇篤了
不欲食轉側須人憂懷深小妹亦故進退不孤得
散力足不得眠食至少疾患經月兼焦勞不可言
迎集中素親疎畧盡實望投老得盡田里骨肉之
歡此一條欲不謝二疏而人理難患知此不知小
却得本心不交衰朽羸劣所憂營如此言視是
養之功當有何理今都絕思此事也薰疾患差末
秋初各必思與諸君一佳集排棄尤益快共爲樂

欲以少日補頃者之慘戚也追尋尋前者意事豈
可得且當辨目前及當此當急要願諸君各保愛
以俟此期來近見若有諸結聊當面冬間意必欲
省安西如今意元前却也想君必俱賊勢可之者
必進許洛無可不果理相遇於一世豈可度之尋
常以此至終故當盡志氣之所也君此意弘足然
當決在必行

未復知問情快卿轉勝向平復也猶耿耿想上下無
恙力知問不具王羲之敬問

日月如馳嫂弃再周去月木松大祥奉瞻廓然永懷

悲摧情如切割汝亦增慕省疏酸感

延期官奴小女並疾不救痛愍貫吾心吾以西夕情

願所鍾唯在此等豈圖十日之中二孫矢命惋傷

之甚未能踰心可復如何

延期官奴有兩帖語小異

敬親今在剡其後復亡甚不可言

穰鐵不知已得

一行短行書

近遣書想即至此兩汝往不得問懸心吾劣力數字

七月十日告鄱陽兄弟大降制終去晦悼甚永絕悲

傷痛懷切割心情也

諸葛田者君識之不才幹好佳佳爲錢塘著績又入

僕府有以盡悉宰民之至也甚欲自託於明德云
臨安春當缺爾爾者君能請不僕心至欲得佳長
史亦當是君所須既得里人共事異常故乃爾須
還告之

人理不可得都絕每至屬致使人多歎

十五日義之報近日甚倉卒得十三日書知卿佳慰

之力及陽生書不義之報

會稽亦復與選官論卿不吾誠勅勅於論事然於弟

尚不惜小宜謂選官前意已佳可不復煩重卿更

思必謂宜論者不有違矣

上下安也和緒過見之欣然見豫

知阮轉佳甚甚慰慰會稽近患下始差諸謝粗佳

足下差不甚耿耿喉中不復燥耳故知問具爾王羲

之白

冷過足下夜得眠不祇差也復何治甚耿耿長史復

何似故問具示王羲之白

遂無雨候使人欲得諸縣書田皆欲了

得書知足下患痴念卿無賴思見足下兼脫果力不

二王羲之謹白

此賢懷所禮也回一一

謝二侯 此三字一行

五月十五日羲之近及至也得七日書之足下故爾

耿耿善將息吾腫得此霖雨轉劇夏深二否羲之

白

因緣爾致問非書能悉想君行有音信

適萬石去月日書爲慰尋得彭祖送万九日露板再

破賊有所獲想足摧寇越逸之勢耳適許司農書

爲慰無人來能得重故向餘枕間 此註三行短

伯熊上下安和爲慰可令知問叔夷子前恨不見可

令熊知消息

羊參軍運朝論長見敦恕其為慶慰无物喻今又告
誠先靈以文示足下感懷慟必

又以表書示卿故當爾不

痛念玄度之如志而更速禍可惋可痛省君書亦增
酸

服食故不可乃將冷藥僕即復是中之者腸胃中一

冷不可如何是以要春秋轍大起多腹中不調適

君宜深以為意省君書亦比得之物養之妙豈復
容言直无其人耳許君見驗何煩多云

得申近問不此五字一行

謝侯此二字一行

袁彭祖何日過江想安隱耳失此諸賢至不可言足

下分離如何可言

此段不見足下乃甚久遲回明行集冀得見卿

四月五日羲之報建安虛柩至慈陰幽絕垂三十年

永惟崩痛徹五內永酷禁何無由言告臨紙摧哽

羲之批此一帖真草本

十一月十八日羲之頓首頓首從弟子天沒孫女不

育哀痛兼傷不勝奈何奈何王羲之頓首批此一帖行草

二祭過塋來居此親親集事而君復出為因正

足下不可不得問多日懸情吾故劣力書不具王
羲之頓首

九月十八日羲之頓首茂善晚生而不盲痛之惻心
奈何奈何轉寒 此帖行草

十月十一日羲之敬問但得知佳爲慰吾爲轉差力
不二羲之敬問 此帖行草僧權

二十七日告姜汝母子佳不力不一耶告 此帖行草
羲之頓首二孫女天殤悼惋之甚不能已已可復如
何羲之頓首 此帖真行

二十八日羲之白得昨告永飲動懸情想小爾耳還

旨不具王羲之再拜 此一帖草書

庾新婦入門未幾豈圖奄至此禍情願不遂緬然永
絕痛之深至情不能已况汝豈可勝任奈何奈何
無由敘哀酸 此帖行書

君服前賢弟逝沒一旦奄至痛當奈何當復奈何臨
紙咽塞王羲之頓首頓首 此帖真行

雪候既不已寒甚盛日冬至可苦患足至亦當不堪
尋復知問王羲之 此帖行書

書未去得諸爲慰知汝夷欲知情事誠難處然今時
諸不易得東安書甚不欲今汝姨出懇至想自思

之此帖行書

上下可耳產行往當迎慶思之不可言此帖行書

今付吳興鮭二器真行

一日慙展至恨至恨雨不已便還不果東至可恨可恨思敘想閑暇必顧也

適都使還諸書一一須面具懷

征西近書委悉爲慰不得安西平訊今知殷侯不畱之甚善甚善

舍內佳不中書何以家中疾篤但救旦夕此知有覺省書想至

義興何似懸情慕容遂來據鄴可深憂官復患軍可

以示義興中書

昨得殷侯答書今寫示君承無恕既意示意謂速思順從或有恕意大小宜般桓或致嫌也想深思想

深思

復征許也此四字一行

八月二十四日義之頓首竟哀感奈何奈何兩足下可耳不得問缺一日懸心吾故劣劣王羲之頓首

此兩足可耳故當佳收云彼甚快大事吳義興吳缺字是蕩然可歎哉

知諸患耿耿今差也華母子佳

時行皆遍事經耳彼云何

道祖席下乃危為憂憂怛怛

謝二侯此三字一行

賊勢可見此公方軌万万如志但守之尚足令智志

心比回書豈惟公道恒懷蕩大處世不易此兩字行下惻書

諸人十二日書云慕容乃抄梁下復數旨日下疾疫

非常乃至京極有傷此憂之者想君勤之

復委篤恐無與諸人書亦云爾也憂之怛怛得停乃

公私大計也

君頃以何永日憶去冬不可得知如何如何

桓公以江州還臺選每□勝也不知當在誰耳

源書以發吾欲路次見之亦不欲停甚缺一字

官舍佳也得書舍日問不知遮何日西言及辛酸

即不可懷其等故勿憂深

近書即至也瞻望不遠而未期暫面如之何遲得問

謝侯數不在欲此行至底皆缺

前知足下欲居此常喜遲知之足下不果悵恨未見

卿期當數音問也

得都近問清和為慰云劉生近欲舉君為山陰以中

當爲最君期於未獲供養處想爲慨然自官待不足想也

君學書有意不令想與草書一卷

小大佳不可得司馬問懸情適安以中軍出鎮有避賢意乃云行得言面不知公私此理卒當之耶甚憂真本無集之者想今與君書一一

君此當何言但恐今居必門首有出祀北復有將來之弊耳此願盡真御理

想彼人士平安二都數也敬豫諸人近來停數日悉往安石已南還諸其兄弟此改殊命蕭索聞居以

復入相府何時當應命未得坐處亦當愁罔思得爲鄰豈是常情恐君方處務此命難期如之何不一一小佳復意問也

源遂差不云尚未恭命終何云真長規吳興想必知意男道差不

君小大佳不松疾善斷也僕信還奉州將去月十二日告甚慰如曹失護語此君甚康壯當是肥渴耳實尋還遲之不可言二妹差佳慰問必期中冷頃時行可畏愁人

不得司馬近問懸情近所送書卽至也君信明早令

得後得鄙書未即至想東不久耳

此鄙問無恙諸從皆佳此諸數耳知劉阮教

溫公在此前東北面還此復粗缺散為慰便乞良不

可言卿得之復一快樂

武妹小大佳也

缺一字

知郡荒吾前東周旋五千里所在家爾可歎江東自

有大頓勢不知何方以救其弊民自欲難復為意

卿亦聊及

缺一字

數得桓公問疾轉佳也每懸心胡云征事未有日佳
也以逼熱不知卒云何耳

君大小佳不至乃至熙往覺少不同萬恨萬恨云出

便當面念遠別何可言遲見之度今或以在道

賓如人往不堪致心慢之不忘懷之

妹不快憂勞餘平安

未得安問玄度急腫至可憂慮不得甚昨書云小差

然後疾候自恐難耶

與安石俱佳還七日增想救命積日不復知問弟佳

寧善然後憂之不去懷吾遂沉滯兼下如近數日

無分復理昨來增服陟厘丸得不復下不知遂斷

不了無所噉而藥

缺一字

得停不知當復見弟

二字注

理不獨下便知問二奴庶諸人何以諸人以上九
想清和士人皆佳彭祖諸人得足下慰旦夕也此諸
賢平安每面粗有歎慨追恨近日不得善散無已
度足下還期不久耳此者數今知問
本懷足下可謂禮之缺一今以志心寄卿想必至到
論之救命不暇此事於今為者遠耳要是事其本
心

所欲論事今付

今與馮論公陸足下可思助明談至是舉令有語真
道今宜旨矣

臣義之言寒嚴不審聖體御善何以附承動靜臣義
之言有表皇太后一行

臣義之言仗惟陛下天縱聖哲德齊二儀自哲已應

期承運踐登大祚普天率土莫不同慶臣撫恐是

疾外不獲隨例瞻望辰極屏營一隅枕字

劉氏平安也梅妹可行表妹腰痛冀當小爾耳汝母

故若以不安食疾久憂憤當思平理也神意不同

於前者

今付北方脯二筴吳興鮓一器秣條四千二百

司州雖篤疾以頃轉平餘無他感動奄忽長逝痛毒

之甚驚惋躍慟痛切五內當奈何奈何省書感咽
雨寒鄉各佳佳字不諸患無賴力書不一一義之問
想官舍無恙吾必果二十日乃往遲喜散差比爾自

想聞

九月三日義之報近倫遮諸人宜可堪處奈何及書
不義之批也

庾安厝永必言之切割卿不可勝遮兄弟何可忍視
言念酸心卿諸人益不可言如何

九月二十五日義之頓首便涉冬日時速感歎兼哀
傷不能自勝奈何得七月末書為慰始欲寒足下

常疾比何似每耿耿吾故不平復悴力困不一一
王義之頓首

且極寒得爾承夫人復小效不善得眠助反側想小
爾復進何藥念足下欲悚息卿可不吾昨暮復大
吐小噉物便爾且來可耳知足下念義之頓首

延期宮奴小女並得暴疾遂至不救慙痛心奈何吾
以西夕至情所寄唯在此等以慰餘年何意旬日
之中二孫天命且夕左右事在心日痛之纏心無
復至於此可復如何臨紙咽寒

六月二十七日義已下周嫂棄背再周忌日服終比

悔感摧傷悼兼情切劇不能自勝奈何奈何穆公
垂祥除不可居處言以酸切及領軍信書不次義
之報

頌首頌首

本上下无字
第一行如此

亡嫂長情所鍾奉始獲奉集

冀遂至誠展其情何圖至此未盈數旬奄見背弃
情志乖喪莫此之甚追尋酷恨悲惋深至痛切心
肝當奈何奈何兄子荼毒備嬰不可忍見發言痛
心奈何奈何王義之頌首頌首

君須復如何散懷鐵云祕當解褐行復分張想君比
爾快為樂彥彥書云仁祖家欲至蕪湖單弱伶俜

何所成君書得載停郡迎喪甚事宜但異城之乖
素以不可言何時可得發

六日告姜復雨始晴快想汝

汝字

母子平安力諸不

一一耶告

前使還有書哀猥不能敘懷追尋痛兼哀若割當奈
何省第累紙哀毒之極但書難為心懷况卿處之
何可俱恐有始有卒自古而然雖當時不能無情
痛理有大斷豈可以之致弊何由寫心絕萃猥咽
不知何言也

十二月六日義之報一昨因暨主簿不悉得去月十

五日二十三日書為慰雨晝夜無解夜來復雪弟
各可也比日中冷患之始小佳力及不一一義之
報

義之死罪前得雲子諸人書並毀損故之惟分析難
為心當有分西者不義之死罪

七月五日義之頓首昨使斷草塋送期近痛情深奈
何奈何得去月二十八日告具問慰懷力還不次
王義之頓首

七月十六日義之報凶禍累仍周嫂弃背大賢不救
哀痛兼切割心情奈何奈何知書感寒義之報

二十三日發至長安云謂南患無地然謂云符健衆
尚七萬苟有竅近雖衆由匹夫耳即令刻此一段
一如歲終云何守之想勝才弘之自當有方耳
隔以久諸懷豈不可言且今多慘戚遲君果前期整
得一散懷知以多疾不果乃當祕事省告同此歎
恨如何可言塋事不可倉卒當在九月初過此故
欲一與吳興集冀無不剋耳然事未萬端不知如
人意不非書能悉君數告以慰之耳

六月十六日義之頓首秋節垂至痛悼傷惻兼情切
割奈何奈何此雨過得十日告知君如常吳興轉

勝甚慰想得此涼日佳知患散乃委頓耿耿且以
佳深消息僕故是常耳劣劣解日力不次王義之

頓首

歌章輒付卿或有寫書人者可寫一道與吾也付十
一板書王散騎華篤惡疾餘者

義之死罪去冬在東鄖因還使白牋伏想至自頃公
私無信便故不復承動靜至於詠德之深無日有
墜省告荷眷顧之至尋須三四但有悲慨民年以
西夕而衰疾日甚自咨元復整屐語平生理也以
此忘情將無其人何以復言唯願珍重為家時垂

告慰筆絕情塞義之死罪

六月十一日義之報道護不救疾之但傷懷念弟聞
問悲傷不可勝奈何曹妹累喪兒女不可為心如
何得二十三日書為慰力及還不次王義之報

追尋傷悼但有痛心奈何奈何得告慰之吾昨頻衰
感便欲不自勝舉但服傷心之益頓之推理皆如
足下誨然吾老矣餘故未盡唯在子耳一旦哭之
垂盡之乎轉無復此當何益冀小却漸散耳眷卿
書但有酸塞足下念顧言散數語多也王義之頓
首

向遣書想夜至得書如足下問當遠行諸懷何可言
一十必早發想足下如向期也阮侯止於介上耳
向書以具不復一一義之白

病昔想足下安善吾猶不勝能往一十早佳遲王義
之頓首頓首

二十九日義之報月終哀摧切奈何奈何得昨爾知
弟下不斷昨紫食散未佳卿先羸甚甚好消息吾
比日極不快不得眠食殊頓物今合陽冀當佳力
不一一王義之報

九月二十八日義之頓首頓首昨者書想至叅軍近

有慰阮光祿信信在耳許中郎家欲因書比去報
庾君遂不救字一疾摧切心情不能自途兩堪痛
當奈何奈何深當寬勉以不忘先心臨紙但有酸
惻王義之頓首

義之白不復面有勞得示足下佳為慰吾脚劇又腫
甚匆匆力反不具王義之白

十一月五日義之報適為不適弟各佳不吾至匆匆
力數缺一義之報

兄子上下遠至此慰不可言嫂不和憂懷深其等殊
匆匆焦心

桓公不得敘情不可居處雲子諸人何似耿耿能數
省下

彥仁數問也脩載整來所慰

六月十九日義之白使還得八書知不佳何爾耿耿
僕日弊而得此熱勿勿解白耳力遣不具王義之
白白字點成

十二月一日義之白點一昨得還書之極不佳疾人甚

憂耿消息此佳耳吾至乏劣為爾日日力不一
義之報

想明月可謝諸子

十四日義之白近反不悉欽三兩足下佳不不得近

問問吾殊頓劣力回不一一王義之白

義之頓首得既知意至諸軍皆困乏常想無乏何緣
作此煩今付還王義之

長高當整還邪

范公書知此今爾君須更見故當勸果之告旨語君
遲面不可言

一日多恨知足散動耿耿護護吾至不佳劣劣乏不
一王義之頓首

司州疾篤不果西憂之深公私無所成

知此得丹陽書甚慰乖離之歎當復可言尋答其書
足下反事復行便索然良不可言亦分遲面一一
比日尋省卿文集雖不能悉周徧尋覓以為佳者名
固不虛序述高士所傳小有同異見卿一一問應
上揚王孫前以其及意同可誠述敘之耶暇日無
為想不忘之

初月一日羲之白忽然改年新故之際歎至深君亦
同懷近過得造故云腹痛懸情夏雨彼復何似氣
力能勝不僕與耳力不一一王羲之
且書至也得示為慰云小大多患今勞心遲見足下

未過為

注二字

結力不一一王羲之白

三日光數未得去得四日疏為慰兄書已具不復一

一

鎮軍昨至欣一字本暗尚未見也尋見之悲欣不可

言

上下近問慰馳情不知何以絕不得松問汝得旨馳
白宜豫知分春事吾復數日東可語其令知消息

二行校
近下

橘子即去乃好可噉久得新栗此院東冬桃不能得
多送觸事何當不存但恒語然獨斷

知書有去懸奔赴意誠義至也官有禮制恐不必果
耶且君在彼縣常以為得意宜思之耶意至故示
兄子發尚未有定日當送至瀾遠乖不可復言
適欲遣書會得足下示

十九日義之報近書反至也得八日書知吳故羸敬
倫動氣發耿耿想得冷北為佳也敬久皆佳不吾
腫猶示體中復年平耳力不一一義之報

省足下前後書未嘗不憂欲於事地想與有深情者
何能不恨然古人云行其道亡其為身真卿今日
之謂政自當欲其兄懷然得公平政直耳未能志

已便自不得然此皆在足下懷願卿為復廣求於
衆所悟多多願山之高言此何能不

十一月七日義之報近因

缺字

真卿書想行至

至字

霜弟不可須臾了不得食至為虛劣力數字義之
報

二十三日義之報一日得書皆在計所不得有反轉
遲而熟卿佳不足來達面一一義之報

知須巢裁便可遣取視君勢陳欲欲無出理

近書至也得十八日書為慰雨蒸此各

各字

可不參

軍轉差也懸耿耿吾脾痛劇欲不行力至患之欲

不得書自力數字

尊夫人向來復何如爲何所患甚懸情念卿累息具
至義之敬問

想諸舍大小皆佳弟摧之可爲心且得集目下此慰
多也姊累告安和梅妹大都可行來袁妹極得石
散多力然故不善佳疾久尚憂之想野久恙至善
分張諸懷可云知其期何時可果永嘉竟逐者有
力恐冀得大梯當種之

篤不喜見容篤不堪煩事此自死不可化而人理所
重如此都郡江東所聚自非復弱幹所堪足下未

知之耳給領與卿同殊爲過差交人士困開門以
勉待之無所復言

君遠在此及受恩求今留之明晚共親親想君未便
至餘姚耳

云殷生得快岡大事數謝生書但有樂耳云彥仁或
宣城甚佳情事實宣今有所矣

寂不得都門知卿云日問故未知西審問使人憂耿
得問示

信使甚數而無還者以書疏不得得問宜爾告示之
知長翔田舍以卿還當知何侯須得音副民望甚

苦冀行面遣知問王羲之白

羲之白霧氣足下冬何如缺一字長素轉佳甚耿耿

昨道諸書今亦卿想見之恐殷侯必行義望雖宜不

然今此集信爲未易卿若便西者良不可言也

晴快足下各佳不長素轉佳也甚耿耿胡胡故知問

具示王羲之白

足下晚可耳至劣劣力不一一王羲之白

古今法書苑卷之三十四終

